

**«ՇԻՐԱԿԻ ՈՒՍՈՒՑԻՉՆԵՐԻ ՄԻԱՎՈՐՈՒՄ» ԳԻՏԱԿՐԹԱԿԱՆ  
ԿԵՆՏՐՈՆ  
ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ  
ՎԵՐԱՊԱՏՐԱՍՏՄԱՆ ԴԱՍԸՆԹԱՑ**

**ՀԵՏԱԶՈՏԱԿԱՆ ԱՇԽԱՏԱՆՔ**

*Թեմա՝ Բնապահպանությունը որպես մարդկության գլխավոր հիմնախնդիր:*

*Կրթությունը և դաստիարակությունը դպրոցում*

*Շ.Սաղաթեյան*

*Առարկա՝ մաթեմատիկա*

Գյումրի 2022

## Բովանդակություն

Ներածություն -----3

Գլուխ 1. Բնապահպանական հիմնախնդրի էությունը -----

1.1 Բնապահպանական հիմնախնդիրը որպես մարդկությանը սպառնացող  
մարտահրավեր -----

1.2 Բնապահպանական հիմնախնդրի լուծման մոտեցումները: Կայուն  
զարգացում-----

Գլուխ 2. Բնապահպանական գիտելիքների փոխանցումը դպրոցում -----

2.1 Բնապահպանական կրթություն -----

2.2 Բնապահպանական դաստիարակություն -----

Եզրակացություն-----

Գրականության ցանկ-----

## Ներածություն

20-րդ դարի երկրորդ կեսը ոչ միայն նշանավորվեց մարդկության գիտական և մշակութային աննախադեպ բարձր նվաճումներով, այլև մարդու առջև ծառայած նոր իրողություններով: Վերջիններիս համատեքստում առաջնային պլան դուրս եկավ բնապահպանական հիմնախնդիրը, որն ըստ էության, հրամայական ձևակերպեց վերախստավորել մարդկության կենսակերպը: Այդ ամենը թելադրված էր ռեսուրսների սխալ շահագործման, բնության վերաբերյալ սակավ գիտելիքների, տիրող էկոլոգիական իրավիճակի գնահատման պահանջով:

Այստեղ առանցքային դարձավ հասարակության էկոլոգիական կրթության անհրաժեշտությունը:

Էկոլոգիական կրթությունը կայունությունը հանավոր է ապահովել միայն հանրակարթական դպրոցում բոլոր առարկաների ինտեգրված, համալի ջանքերի շնորհիվ:

Վերոնշյալ գործոններն էլ ընդգծում են սույն հետազոտական աշխատանքի ինչպես արդիականությունը, այնպես էլ բուն նպատակը՝ բացահայտել բնապահպանական հիմնախնդրի ուսուցման բովանդակությունը՝ կրթական և դաստիարակչական խնդիրները:

Հետազոտական աշխատանքի նպատակին հասնելու համար առաջադրվել են հետևյալ խնդիրները՝

- *ներկայացնել բնապահպանական կրթության էությունը,*
- *ներկայացնել բնապահպանական կրթության ժամանակակից բովանդակությունը և բնապահպանական մշակույթի էությունը,*
- *նկարագրել բնապահպանական կրթությունը հանրակրթական դպրոցի տարբեր օղակի դասընթացներում,*
- *էկոլոգիական կրթությունը միջին դպրոցի ախարագրության դասընթացներում,*

- *Էկոլոգիական կրթությունը ավագ դպրոցի աշխարհագրության դասընթացներում:*

Հետազոտական խնդիրների լուծման տրաբանություն էլ պայմանավորել է աշխատանքի կառուցվածքը: Ըստ այդմ, այն բաղկացած է ներածությունից երկու բաժիններից՝ համապատասխան ենթաբաժիններով, եզրակացությունից և գրականության ցանկից:

## ԲԱԺԻՆ 1

### ԲՆԱՊԱՀՊԱՆԱԿԱՆ ՀԻՄՆԱԽՆՂԻՐԻ ԷՈՒԹՅՈՒՆԸ

#### **1.1 Բնապահպանական հիմնախնդիրը որպես մարդկությանը սպառնացող մարտահրավեր**

Ժամանակակից աշխարհում համամոլորակային հիմնախնդիրների առաջացման համար կան օբյեկտիվ նախադրյալներ: Դրանք այն հիմնախնդիրներն են, որոնք առնչվում են ամբողջ մարդկության կենսական շահերին: Պատահական չէ, որ արդի դարաշրջանի համար հաճախ օգտագործվում է «համամոլորակային հիմնախնդիրների դարաշրջան արտահայտությունը»:

Մասնագիտական գրականության մեջ և ընդհանրապես հասարակական ընկալման համար համամոլորակային են համարվում այն հիմնախնդիրները, որոնք ընդգրկում են ամբողջ երկրագունդը և մարդկությունը, սպառնում նրանց ներկային ու ապագային, և դրանց լուծման համար պահանջվում է բոլոր ժողովուրդների ու գործողությունների միասնությունը:

Իրենց բնույթով համամոլորակային հիմնախնդիրները տարբեր են, սակայն բոլորը համակված են մարդկության աշխարհագրական միասնության և կենսակայունության գաղափարով:

Համամոլորակային հիմնախնդիրները ըստ իրենց բնույթի կարելի խմբավորել հետևյալ հարթություններում՝

- **Հիմնախնդիրներ, որոնք առաջացել են մարդ-բնություն փոխահարաբերությունների հարթությունում,**
- **Հիմնախնդիրներ, որոնք առաջացել են մարդ-հասարակություն փոխարաբերությունների հարթությունում**
- **Հիմնախնդիրներ, որոնք առաջացել են քաղաքակրթությունների փոխահարաբերությունների հարթությունում**

Մասնագիտական գրականության մեջ համամոլորակային կոնկրետ հիմնախնդիրների առանձնացման համար առկա են տարբեր մոտեցումներ:

Ընդհանրացնելով կարծիքների բազմազանությունը, կարելի մատնանշել հրատապ լուծում պահանջող հետևյալ խնդիրները՝

- *Խաղաղության պահպանության հիմնախնդիրը,*
- *բնապահպանական հիմնախնդիրը՝ կապված բնական միջավայրի խախտման հետ,*
- *զարգացող երկրներում բնակչության արագ աճի հետևանքով առաջացած ժողովրդագրական հիմնախնդիրը,*
- *թույլ զարգացած երկրներում հարյուր միլիոնավոր մարդկանց մշտական թերսնման և սովի հետ կապված պարենային հիմնախնդիրը,*
- *մորտլակի հանքահումքային և բնական այլ ռեսուրսների սահմանափակվածության հետ կապված էներգետիկ և հումքային հիմնախնդիրը,*
- *նախկին գաղութների (զարգացող երկրների) հետամնացության հաղթահարման հիմնախնդիրը, որը, ցավոք, ոչ միայն չի վերանում, այլև երկրագնդի որոշ տարածաշրջաններում դրսևորվում է առավել ցայտուն,*
- *համաշխարհային օվկիանոսի հիմնախնդիրը՝ առաջին հերթին կապված նրա կենսաբանական արդյունավետության և աղտոտման հետ,*
- *տարածքային և ազգային հակամարտությունների հիմնախնդիրը,*
- *կլիմայի փոփոխության հիմնախնդիրը:*

Բացի հիմնականներից, կան նաև մի շարք մասնավոր հիմնախնդիրներ, որոնք ևս շատ կարևոր են (օրինակ՝ հանցագործությունների թմրամոլությամբ ժողովրդավարության պակասի, տեխնաճին աղետների, բնական աղետների և այլն): Վերջին տասնամյակներս առավել արդիական է դարձել միջազգային ահաբեկչության հիմնախնդիրը:

Նախկին հիմնախնդիրների սրությունը և ծավալները չեն կարող համեմատվել վերջին մի քանի տասնամյակներին տեղի ունեցող գործընթացների ու երևույթների հետ: Համընդհանուր հիմնախնդիրները ծնվում են տեղային, ազգային

հիմնախնդիրներից, սակայն դրանց լուծման համար պահանջվում են ոչ թե առանձին, այլ համաշխարհային հասարակության միասնական գործունեությունը:

Մեր մոլորակը իր պատմության ընթացքում երբևէ չի բախվել այնպիսի հիմնախնդիրների, որոնք կան մեր օրերում: Արդեն գոյություն ունեն մարդկության բնակության տարածքի բնապահպանական հատկությունների անվերադարձ փոփոխության, ձևավորվող համաշխարհային հասարակայնության միասնականության խախտման և քաղաքակրթության ինքնառնչացման սպառնալիքները:

Համամոլորակային հիմնախնդիրների ուսումնասիրման ժամանակ անհրաժեշտ է հաշվի առնել արտադրողական ուժերի զարգացման ընդհանուր օրինաչափություններն ու միտումները (այդ թվում՝ ԳՏՀ ազդեցությունը), սոցիալական գործոնների դերը (մոլորակի բնակչության արագ աճը, պետությունների փոխազդեցության մեծացումը):

Մարդկային գործունեության բոլոր ոլորտներում տեղի է ունեցել որակական մեծ թռիչք: Տնտեսական զարգացման տարբեր մակարդակ ունեցող երկրներում խոշորամաշտաբ տնտեսական գործունեությունը և դրա դինամիզմն իրենց հետ բերում են ոչ միայն դրական, այլև բացասական հետևանքներ, այդ թվում՝

- *բնական ռեսուրսների կտրուկ և ոչ միջտ արդարացված սպառումը,*
- *արտադրական գործունեության բացասական ազդեցություն շրջակա միջավայրի վրա և մարդկանց կյանքի էկոլոգիական պայմանների վատթարացումը,*
- *արդյունաբերական զարգացած և զարգացող երկրների միջև սոցիալ-տնտեսական զարգացման մակարդակների անհամաչափության մեծացումը,*
- *զանգվածային ոչնչացման զենքի ստեղծումը, որը սպառնում է մարդկային քաղաքակրթությանը:*

Բոլոր գործոնները այս կամ այն չափով նպաստել են համամոլորակային հիմնախնդիրների առաջացմանը և սրմանը:

*1. 2 Բնապահպանական հիմնախնդրի լուծման մոտեցումները: Կայուն զարգացում*

Այսպիսով, մարդկության զարգացման ներկա հանգրվանում ակնհայտ է դարձել համաշխարհային հասարակության զարգացման ռազմավարության և տրամաբանության վերարժեվորումը: Որպես այդպիսի մոդել կարող ենք նշել՝ Կայուն զարգացման հայեցակարգը:

*Կայուն զարգացումը – դա զարգացում է, որը երաշխավորում է ներկա և ապագա սերունդներին պատշաճ, առավելագունս հնարավոր մեկնարկային հավասար պայմաններ՝ իրենց ընդունակությունները դրսևորելու և կենսական պահանջները բավարարելու համար: Կայուն զարգացումը հիմնվում է այնպիսի տնտեսության վրա, որը մարդու իրավունքները պաշտպանող ժողովրդագրական հասարակության մեջ զուգորդվում է էկոլոգիական անվտանգության և սոցիալական արդարության սկզբունքների հետ:*

Այս սահմանումը «զարգացման մեկնարկային պայմաններ», «էկոլոգիական անվտանգություն» և «մարդու իրավունքներ» հասկացությունների տարողունակ լինելու շնորհիվ իր մեջ ընդգրկում է ինչպես կենսաբանական, լանդշաֆտային բազմազանության պահպանության սկզբունքները, այնպես էլ ազգային բազմազանության պահպանության սկզբունքները:

*Ավելի հակիրճ Կայուն զարգացումը կարելի է բնութագրել որպես տնտեսական, սոցիալական և էկոլոգիական գերակայությունների միջև կոնսենսու կամ փոխզիջում ապահովելու ձգտում:*

Պետք է նկատել, որ կայունության հունով զարգացումը հնարավոր չէ վայրկեանական իրականացնել, դա բազմափուլ գործընթաց է (սխեմա 2):


Սկզբում անհրաժեշտ է ճգնաժամից դուրս գալ, հատկապես հոգեբանական ճգնաժամից, այնուհետև աստիճանաբար մոտենալ 1, 2, 3 սիգմենտներին, որը ի վերջո մեզ կմոտեցնի 4-րդ նպատակային սիգմենտին: Այս գործընթացը դինամիկ է և կարիք ունի անընդհատ ճշգրտման՝ տեղային, ազգային և գլոբալ մակարդակներում:



Քանի, որ «Կայունություն» ինչ-որ չափով նշանակում է նաև «պահպանել», հետևաբար բնապահպանական ոլորտում առանաձնացնում են թույլ և ուժեղ կայունություն հասկացությունները, որոնց քննարկման համար որպես մոտավոր համարժեք ընկալվում է բնական կապիտալի ծավալը: Այսպես կոչված «թույլ կայունությունը» թույլատրում է այդ կապիտալի նվազումը մարդու կողմից ստեղծված համապատասխան ակտիվների ընդլայնման պայմաններում: Դրան հակառակ «ուժեղ կայունությունը» ենթադրում է բնական բարիքների անհրաժեշտ մակարդակի պահպանումը, քանի որ այնպիսի բնական ռեսուրսներ՝ ինչպիսիք են օդը, ջուրը, հողը և այլն հնարավոր չէ փոխարինել անդրոպոզեն այլընտրանքային ակտիվներով: Այսինքն պետք է համաձայնվել դրանցից յուրաքնչյուրի քանակի և որակի պահպանության անհրաժեշտության հետ:

Եզրափակելով կարող ենք ասել, որ Կայուն զարգացման 2 չափանիշներն էլ էկոլոգիական ռազմավարության ժամանակ պետք է հաշվի առնել:

ԿԱՅՈՒՆ ԶԱՐԳԱՑՄԱՆ ՏԵՄԱՆԿՅՈՒՆՆԵՐԸ



## ԲԱԺԻՆ 2

### ԲՆԱՊԱՀՊԱՆԱԿԱՆ ԳԻՏԵԼԻՔՆԵՐԻ ՓՈԽԱՆՑՈՒՄԸ ԴՊՐՈՑՈՒՄ

#### *2.1 Բնապահպանական կրթություն*

Բնական միջավայրի կայուն զարգացումը և ռեսուրսների ռացիոնալ օգտագործումը ապահովելու համար կարևոր բաղադրիչ է բնակչության բոլոր խմբերի իրազեկվածության մակարդակի բարձրացումը, ինչը ձեռք է բերվում էկոլոգիական կրթության և դաստիարակության միջոցով, որն ի վերջո ձևավորում է հասարակության էկոլոգիական մշակույթը: Բնապահպանական և էթիկական նորմերի, արժեքների, մասնագիտական հմտությունների յուրացումն իրականացվում է անհատի էկոլոգիական կրթության և էկոլոգիական գրագիտությանը նպատակաուղղված հիմքի միջոցով, ինչը կնպաստի բնության նկատմամբ հոգատար, ոչ սպառողական և նվազագույն չափով վնասելու վերաբերմունք ունեցող հասարակության ձևավորմանը:

Էկոլոգիական կրթությունը անհատի և բնակչության կրթության, դաստիարակության, զարգացման, ինքնակրթության և փորձի կուտակման գործընթաց է, որն ուղղված է արժեքային կողմնորոշումների, վարքագծի նորմերի և շրջակա միջավայրի պահպանության, բնության կառավարման և շրջակա միջավայրի անվտանգության ապահովման մասին հատուկ գիտելիքների ձևավորմանը: Իրականացված էկոլոգիապես իրավասու գործունեության մեջ էկոլոգիական կրթությունը ոչ միայն գիտական գիտելիքներ է տալիս էկոլոգիայի բնագավառում, այլև ապագա մասնագետների էկոլոգիական կրթության կարևոր օղակ է: Մա ենթադրում է նրանց մեջ սերմանել բարձր էկոլոգիական մշակույթ, բնական ռեսուրսների մասին հոգալու կարողություն և այլն: Այսինքն՝ մասնագետները պետք է ձևավորեն էկոլոգիական նոր գիտակցություն և մտածողություն, որի էությունն է՝ մարդը բնության մի մասն է, իսկ բնության պահպանումը մարդու լիարժեք կյանքի պահպանումն է:

Էկոլոգիական կրթությունը ողջ կրթական համակարգի կարևոր և առաջնահերթ մասն է: Դրան տալով նոր որակ, ձևավորելով այլ վերաբերմունք ոչ միայն բնության, այլև հասարակության, մարդու նկատմամբ (Էկոհումանիզմ): Էկոլոգիական կրթությունը նշանակում է նոր աշխարհայացքի և գործունեության նոր մոտեցման ձևավորում՝ հիմնված նոոսֆերա-մարդասիրական և բնապահպանական արժեքների ձևավորման վրա:

Էկոլոգիական կրթությունը ճգնաժամից դուրս գալու միջոց է. ճգնաժամից դուրս գալու համար անհրաժեշտ են նպատակաուղղված ջանքեր և հաղթահարել սոցիալությունը, անկարողությունը, թուլությունը, անմիաբանությունը: Ընդհանուր ապագայի պատկերը ստեղծվում է, երբ մարդկանց հիմնական շահերը համընկնում են: Որքան լայն ու կոնկրետ լինեն շահերը, որքան խորը ընկալվի սեփական խնդիրները որպես ընդհանուր, այնքան ուժեղ կլինի միավորումը ապագայի պատկերով: Բնապահպանական կրթության խնդիրն է օգնել զարգացնել Էկոհամակարգային մտածողությունը, աշխարհայացքը և պատրաստել մարդկանց ճգնաժամը հաղթահարելու համատեղ գործողությունների: Բնության պահպանության շարժման մասնակիցների խնդիրն է միասին աշխատել՝ նվազեցնելու գալիք ճգնաժամի հետևանքների ռիսկն ու ծանրությունը:

Այժմ Էկոլոգիական կրթությունը դառնում է պարտադիր բաղադրիչ կրթական ուսուցման ընդհանուր բազայում: Բնապահպանական գիտելիքների զարգացումը արագ է ընթանում, ուստի ավելի վաղ ստացված գաղափարները արագորեն հնանում են: Պահանջվում է կանոնավոր վերապատրաստում այս ոլորտում և ուսումնական նյութի արդիականացում:

Էկոլոգիական ճգնաժամի սրումը XXI դարում մի շարք խնդիրներ է առաջացրել համաաշխարհային հանրության համար, այդ թվում՝ կրթական: Ռիո դե Ժանեյրոյում կայացած համաժողովում հռչակվել է կայուն զարգացման սկզբունքը («Կայուն զարգացում»): Ըստ ակադեմիկոս Ն.Ն. Մոխեսևի, չնայած «Կայուն զարգացում» հասկացության որոշակի հայեցակարգային երկիմաստությանը և դրա պարզեցմանը,

որն անընդունելի է, զարգացման ներկա փուլում շեշտը պետք է դնել ընդհանրապես բնապահպանական կրթության հիմնական նպատակների և խնդիրների ձևակերպման վրա՝ մասնավորապես գիտական կադրերի ձևավորման խնդրի վրա:

Մարդու և բոլոր կենդանի օրգանիզմների գոյատևման էկոլոգիական պայմաններից ամենակարևորը Երկրի վրա խաղաղ կյանքի ապահովումն է: Ահա թե ինչին է ձգտում և ձգտելու է էկոլոգիական կրթություն ստացած մարդը:

Էկոլոգիական կրթության և դաստիարակության նպատակին հասնելու համար չպետք է սահմանափակվել միայն էկոլոգիական հասկացությունների համակարգի ուսուցմամբ: Էկոլոգիական գիտելիքները դաստիարակչական արժեք են ձեռք բերում միայն այն ժամանակ, երբ դրանք դառնում են անձնային արժեքներ, և կապված կոնկրետ խնդիրների հետ, աշակերտները հայտնվում են այնպիսի իրավիճակում, որում արտահայտվում է մարդկանց վերաբերմունքը խնդրի լուծման որոնողական ընթացքի նկատմամբ, այսինքն ստացած տեսական գիտլիքներ, պետք է հասցնել այնպիսի մակարդակի, որ աշակերտները գործնականում դրանք կիրառեն:

Էկոլոգիական կարողություններն ու հմտությունները զարգացնելու համար կարելի է կիրառել տարբեր միջոցներ, օրինակ պրոբլեմային զրույց, նյութի պրոբլեմային հնարներով շարադրումը, նպատակային դերային խաղեր, սուր էկոլոգիական իրավիճակների ցուցադրումն ու վերլուծությունը, բնապահպանական գործնական աշխատանքներ (օրինակ շաբաթօրյակներտ, ցուցանակների պատրաստում): Իրենց գործողություններով կարգավորելով շրջակա միջավայրը՝ դպրոցականները մարդկանց վարքի և վատ վնասաբեր արարաքների նկատմամբ անհանդուրժողական վերաբերմունք են դրսևորում: Ժամանակի ընթացքում դա կունենում է իր դրական ազդեղություն շրջակա միջավայրի էկոլոգիական վիճակի վրա:

## **2 *Քաղաքացիական դատարարություն***

Ժամանակակից դպրոցի խնդիրներից է անձի էկոլոգիական մշակույթի ձևավորումը: Էկոլոգիական մշակույթն իր դրսևորումն է գտնում արտադրական և կենցաղային բոլոր ոլորտներում, այն կոչված է ապահովելու բնական միջավայրի պահպանումն ու բարելավումը:

Էկոլոգիական մշակույթը բնության նկատմամբ սովորողի գիտակցված վերաբերմունքն է, որն ապահովում է շրջակա միջավայրի պահպանությունն ու զարգացումը, նպաստում է բարենպաստ պայմանների ստեղծմանը մարդու կյանքի գործունեության համար: Էկոլոգիական մշակույթի կարևոր բաղադրամաս են համարվում՝ 1. գիտելիքները մարդ-բնություն փոխհարաբերությունների վերաբերյալ, 2. այդ փոխհարաբերությունները օբյեկտիվ գնահատելու կարողությունը, 3. համոզմունքը բնության ռացիոնալ օգտագործման և բնապահպանման անհրաժեշտության վերաբերյալ: Սովորողների էկոլոգիական մշակույթի մակարդակը կախված է էկոլոգիական կրթության որակից, որը պարզաբանում է մարդու տեղն ու դերը բնության մեջ:

Էկոլոգիական մշակույթի ձևավորման խնդրի լուծումը պայմանավորված է էկոլոգիական կրթության և դատարարական բովանդակության և մեթոդների ճիշտ ընտրությամբ ու իրականացմամբ:<sup>1</sup>

Աճող սերնդի բարձրակարգ էկոլոգիական մշակույթի դատարարակումը թույլ կտա հասարակական կյանքում մի ամբողջ շարք բացասական երևույթներ հաղթահարել, կնպաստի մարդկանց միջև հարաբերությունների ներդաշնակությանը, ինչպես միմյանց, այնպես էլ բնության և ինքն իր հետ՝ որպես բնության մի մասնիկ: Էկոլոգիական մշակույթին տիրապետող մարդու գիտակցությունը, զգացմունքները և

---

<sup>1</sup> Սաստրյան Լ. Թ. «Էկոլոգիական կրթության կառավարման հիմունքները», «Արտագերս» Երևան 2006 թ, 334 էջ:

վարքը ներդաշնակության մեջ են գտնվում, իսկ նրա վերաբերմունքը շրջապատող աշխարհի նկատմամբ մարդասիրական:

Ժամանակակից գիտական գրականության մեջ «մշակույթ» հասկացությունը համարում են մարդու գոյության, նրա կենսագործունեության միջոց: Մշակույթը պետք է ընկալվի, որպես մարդու առանձնահատուկ կենցաղի միջոց, որը պետք է բնորոշի նրա գործունային և հոգևոր ակտիվության ամբողջ տեսանկյունը, նրա հավանական վերաբերմունքը շրջապատող աշխարհի և ինքն իր նկատմամբ: Այդ դեպքում էկոլոգիական մշակույթը կդառնա մարդու գոյության միջոց, նրա կենցաղի, բնության նկատմամբ վերաբերմունքի չափանիշ:

Մշակույթի կառուցվածքը ներկայացված է երեք ենթահամակարգերով՝ բնաէկոլոգիական մշակույթ (հասարկության հարմարումը կենսաֆիզիկական շրջապատին), հասարակական-էկոլոգիական մշակույթ (միջավայրի հետ հասարակության կարգավորված փոխգործակցությունը, այդ թվում նաև սոցիալական), սոցիալ-կարգավորիչ մշակույթ (սոցիալական համակարգի պահպանման):

էկոլոգիական մշակույթը, ինչպես և մշակույթի այլ տեսակները մարդու կողմից էկոլոգիական կրթության ոլորտում ստեղծած գիտելիքների, կարողությունների, հմտությունների համակարգի, ինչպես նաև էկոլոգիական գործունեության որոշակի փորձի հիման վրա նյութական և հոգևոր արժեքների ամբողջությունն է: էկոլոգիական մշակույթը բնությունից օգտվելու ազգային-մշակութային սովորույթն ու արժեքն է:

էկոլոգիական մշակույթի ձևավորման համար էկոլոգիական կրթությանը զուգահեռ պետք է կազմակերպվի սովորողի էկոլոգիական դաստիարակությունը: **էկոլոգիական դաստիարակությունը** որոշակի պայմանների ստեղծումն է անձի կողմից էկոլոգիական մշակույթի յուրացման համար, որը ձևավորվել է հասարակության մեջ և պետք է փոխանցվի սերունդներին: 20-րդ դարի 80-ական թթ. էկոլոգիա և էթիկա գիտությունների սահմանագծին ստեղծվեց մի նոր գիտություն, որը կոչվեց էկոլոգիական էթիկա: **էկոլոգիական էթիկան** գիտություն է մարդու և բնության միջև բարոյական հարաբերությունների վերաբերյալ, որի հիմքում բնության ընկալումն է՝

իբրև համագոր գործընկերոջ, բոլոր կենդանի օրգանիզմների հավասար իրավունքների սահմանափակումը: Էկոլոգիական էթիկայի սերմանումը աշակերտի գիտակցության մեջ դպրոցում էկոլոգիական կրթության և դաստիարակության նպատակներից է:



## ԵԶՐԱԿԱՑՈՒԹՅՈՒՆ

Ընդհանարցնելով ուսուցիչների պարտադիր ատեստավորման ենթակա դասընթացի շրջանակներում իրականացված սույն հետազոտական աշխատանքի արդյունքերը, դրանք կարելի է ներկայացնել ներքոհիշյալ եզրակացությունների միջոցով.

1. Բնապահպանական հիմնախնդիրը վաղուց դարձել է մարդկությանը սպառնացող թիվ մեկ մարտահրավերը, որի բովանդակային և մասշտաբային սահամանները ոչ միայն չեն կրճատվում, այլ ընդհակառակն՝ անընդհատ խորանում են:
2. Բնահպանական հիմնախնդրի լուծումը ենթադրում է համակարգային մոտեցում, որտեղ առանցքային բացառիկ դեր ու նշանակություն ունի մարդկանց իրազեկվածությունը:
3. Չնայած ոչ ֆորմալ կրթական ծրագրերի բազմազանությանը և սոցիալական տեղեկատվության հաղորդման ինտենսիվությանը, այնուամենայնիվ բնահպանական հիմնախնդրի վերաբերյալ մարդկանց իրազեկման ամենից կայուն միջոցը շարունակում է մնալ հանրակարթական դպրոցում համապատասխան կրթության և դաստիարակության ապահովումը:
4. Բնապահպանական կրթությունն ու դաստիարակությունը ժամանակակից դպրոցում պետք է հանդես գա համակարգային ձևով, որի պարագայում առաջնային պլան է դուրս գալիս համապատասխան դասերի ինեներգացումը տարբեր դասընթացների շրջանակներում:
5. Պետք ձևակերպվի այն համոզմունքը, որ բնապահպանական կրթությունն ու դաստիարակությունը ոչ միայն ներկայումս գոյություն ունեցող աշխարհին է ուղղված, այլ նաև՝ մոլորակի վաղվա բնականոն շարժընթացին՝ ապագա սերունդներին:
6. Ժամանակակից ուսումնասիրությունները փաստում են, որ բնապահպանական մշակույթը մարդու և բնության ներդաշնակ փոխազդեցության զարգացման

մակարդակ է, որը բնութագրվում է մարդկության կողմից էկոլոգիական հիմնախնդիրների առաջնահերթ լուծման գիտակցությամբ ու գիտական հիմնավորվածությամբ, ինչը նպաստում է առողջ ապրելակերպին, սոցիալ-տնտեսական կայուն զարգացմանը, երկրի և յուրաքանչյուր անձի էկոլոգիական անվտանգությանը, սերունդների համերաշխությանը՝ օգտագործելով բնության հնարավորությունները:

7. Հանրկարթական դպրոցի տարրական օղակում բնապահպանական կրթությունը և դաստիարակությունը երեխաների գիտակցության մեջ պետք է ապահովի աշխարհի միասնականության ամբողջականացումը, բնության մի մասնիկը լինելու իրողությունը: Ըստ այդմ, հնարավոր կլինի դեռ մանուկ հասակից ձևավորել հուզական, հոգատար վերաբերմունք բնության նկատմամբ:
8. Հանրկարթական դպրոցի միջին օղակում պետք է լիարժեքանա բնապահպանական կրթության և դաստիարակության ընդհանուր պատկերը: Աշակերտները պետք է ձեռք բերեն էկոլոգիական մտածելակերպ և իրենց ստացած գիտելիքները գործնականում կիրառելու հնարավորություն:
9. Հանրկարթական դպրոցի ավագ օղակը պետք է ամբողջացնի մշակութային մարդու ներքնաշխարհը, որտեղ առանցքային դեր պետք է ունենա էկոլոգիական մշակույթը: Ըստ այդմ, պետք է ընդհանարացվի տարրական և միջին դպրոցում ստացած գիտելիքները, կարողությունները և հմտությունները, որոնց վերջնարդյունքը՝ «Կրթություն հանուն կայուն զարգացման» ռազմավարության գիտակցումն է:

## Գրականության ցանկ

1. Ասատրյան Լ. Թ., Էկոլոգիական կրթության կառավարման հիմունքները, «Արտագերս», Երևան 2006 թ, 334 էջ:
2. Սարուխանյան Ռ. , Հովսեփյան Ա. , Անձի Էկոլոգիական կուլտուրան, Արևիկ հրատ. , Երևան 2005, 368 էջ,
3. Շահինյան Թ. , Ս. , Թահմրազյան Ն. , Կ. , Էկոլոգիա, Երևան, 2002
4. <https://martamara86.wordpress.com/%D5%A7%D5%AF%D5%B8%D5%AC%D5%B8%D5%A3%D5%AB%D5%A1%D5%AE%D6%80%D5%A1%D5%A3%D5%AB%D6%80/>
5. <https://studref.com/359641/ekonomika/kontseptsii-razvitiya-tsivilizatsii-veke>
6. <https://nsportal.ru/shkola/kraevedenie/library/2019/09/26/ekologicheskie-problemy-v-shkolnom-kurse-geografii>
7. <https://cyberleninka.ru/article/n/formirovanie-ekologicheskoy-kultury-shkolnikov-na-urokah-geografii>